


張文忠公文集

一

據北京大學圖書館藏元至
正十四年刻本影印原書版
框高二十一·八釐米寬十
五·八釐米





張文忠公歸田類藁序

聖朝牧菴姚文公以古文雄天下天下英才振奮而宗之卓然有成如雲莊張公其魁傑也公自弱齡以才行名縉紳間仕於朝盡謹言行直道自禮部尚書參議中書請謁親濟南俄以吏部尚書召親疾終喪省臺奏召至再至三至五六不起

文皇即位關陝以西兵侵旱厲民莩政荒拜行臺中丞廼起西馳及秦民四流亡耄穉子遺若鼎魚筏蟻天毒方熾湯沸泛溢吏士猖蹶目瞠神駭莫克拯拔公慨悃率倡務用仁術官帑不繼傾已囊橐日不勝給每每大慟民僅蘇復公疾薨

天子聞之惻然閔悼贈摠誠宣惠功臣陝西等處行中書省平章政事柱國追封濱國公謚文忠中外嗟惜無何神使憲陝西士民談道琅琅耿耿未始不悽愴以聽之秦人悲思樹石刊頌不忘公質厚剛毅正大明白仁於家忠於上確信不渝已善不伐人之善推獎若不及其文淵奧昭朗豪宕妥帖其動盪也雲霧晦冥霆砰電激

其靜止也風熙日舒川嶽融峙綽有姿容闕翁
頓挫辭必已出讀之令人想像其平生千載而
下凜有生氣不可摩滅斯足尚已公素知狝其
子引偕其婦翁吳肅彥清持公所輯歸田類藁
二十八卷徵序因書其槩如此公諱養浩字希
孟雲莊其自號也行業履歷家乘 國史有載
茲不容贅元統三年龍集乙亥二月甲寅朔中
奉大夫江泚等處行中書省參知政事李朮魯
狝序

雲莊畫像記



雲莊畫像記

愚在京師時嘗從濟南張君引求其先公文忠之遺書讀焉已而歎曰是何公之能艱艱乎告人以善也非其忠蓋之意積之於中則其發於言訓者豈至是哉及觀公之出處行事則真有古人之道故能事君以忠臨民以惠守職致其謹極諫致其誠迥然而休人不以為倨幡然而起人不以為屑卒能瘁心憂勞以生西民若是者不得為一代名臣乎哉余時獨以晚出不得識公顏面為恨後數年來還江南君由兩臺御

史爲閩海道廉訪僉事道過嘉禾而適與遇焉
乃以公遺像示余曰此吾先人於泰定初元謝
事閒居之時之所畫也余旣得瞻拜已若親見
之者然向聞公之爲人意其貌必巉峭刻厲有
若其所爲者而乃曄然而粹郁然而溫蔚然其
氣之秀不翅如列僊公子然後知古之人有疑
於子房者信不誣矣且當是時公年已五十有
五而醞藉充美無殊長壯則其平昔之所養者
又可知矣顧乃以野衣緇笈翱翔鵲華之間咏
歌雲莊之上隘天地於濠廬等千載於瞬息營

慮若纖芥不足以入於其心而謂富貴可得浼
耶惟其素蓄若此故其風槩有大過於人而見
於形色者亦不以榮萃老壯而異也使後之人
因睹是像而能勵夫敬先脩德之思則其著而
存者又豈止於羹墻而已哉今君不遠數千里
襲之巾匱而奉之以行其意必在是矣况其樂
善好義綽乎有公之遺風用其家學發揮於風
紀者已著其効則他日立朝大節必有克肖焉
者豈惟無負於寶藏是像之意抑亦公之所望
於後人者也公諱養浩字希孟晚號雲莊老人

其歷官次第生歿歲月則墓隧有碑國史有傳
茲獨記其像焉耳至正十四年歲在甲午八月
五日橐城倪中記

雲莊畫像贊

恢然其容睟然其色有質有文有功有德立朝
之言閑居之跡凜乎高風千載一日

番陽劉耳贊

大元勅賜故西臺御史中丞贈摠誠宣惠功臣
榮祿大夫陝西等處行中書省平章政事柱國
追封濱國公謚文忠張公神道碑銘

翰林侍

讀學士通奉大夫知

制誥同脩

國史知

經筵事臣張起巖奉

勅撰

天曆二年己巳秋七月廿七日陝西諸道行御
史臺御史中丞濟南張公薨于位奉元士民感
公之德里巷聚哭繪素以祭導送歸柩絡繹相
屬於途群有司大夫士執紼郊送靡不揮涕痛
悼文而知公者爲祭文挽詩臺察儀曹爲之請
謚章䟽交上越至順二年

三ノ三十五

張文忠公

四

天子遣使觀四方民風使者還䟽言陝西兵荒
之餘儲蓄一空饑疫相仍死亡流散而張中丞
獨任臺事區畫荒政極力殫慮閔民之窮哭泣
憂思感疾以卒老耆老扶携數十百人具其行蹟
請加褒贈以尉其死於是 制贈公摠誠宣惠
功臣榮祿大夫陝西等處行中書省平章政事
柱國追封濱國公謚曰文忠

今皇上即位之三年三月廿三日

詔翰林臣

起巖撰碑銘奎章臣夔夔書其文臣師簡篆碑

額臣起巖伏惟生與文忠同里閭為鄉後學應
進士舉文忠為侍郎實考會試為門生茲承
詔屬筆於臣臣曷敢辭謹按公諱養浩字希孟
姓張氏先世濟南章丘人大父奠居濟南遂為
濟南人大父諱山累贈中奉大夫行中書省叅
知政事護軍追封清河郡公父諱郁累贈資善
大夫行中書省右丞上護軍追封清河郡公祖
妣苗氏楊氏妣許氏並清河郡夫人繼母尚氏
清河郡太夫人右丞三子公其季也質魁偉重
厚幼歲嶷然如成人初入小學讀書即曉悟如
夙習不數年大通經史旨趣於書務無所不窺
每誦讀至夜深未曙起續讀大父慮其勤或致
疾戒毋恒誦入夜弗與燈公匿燈屏處候大父
就寢以衣襍蔽窻舉燈取書默誦不輟以為常
年十七八以才雋聞甫踰冠部使者薦之遂計
偕入京時太傅魯國康里文貞公以平章居政
府方汲引多士公裒書往謁一見許以國士辟
掾禮部一時名人如緱山陳文靖公牧菴姚文
公中菴劉文簡公皆為知己轉掾御史臺有幙
官為臺臣所詆奮然去職間日復出眡事公以

廉耻大節面數之或者以爲侵官公歷引故事以辯衆不能屈辟丞相院知管差除爲東昌堂邑尹知管差除掾滿例得朝官公素有時名顧乃出宰外縣官復七品人謂公將不平公欣然曰縣近民而堂邑大縣生齒數十萬今以畀予儒之效或得以利夫人固所願也至官以四知榜其堂清心滌慮思所以施之政者起而行之利興敝革扶植善良禁戢凶暴尤無良者杖殺之彊宗豪民皆重足立王邸使者及漕卒過其境不敢肆暴於刑獄審察研究得真殺人者寘之

法復能化爲盜者改悔爲平民旱乾水溢有禱即應不再歲縣以治最聞去官七年民思之爲刻石紀其政

仁皇在春宮召爲太子司經階奉訓大夫未至改太子文學俄拜監察御史時方立尚書省立又言其變更法度易置官府將厲天下遂詣肅政堂揚言曰臺察所以制治也今尚書省橫恣御史言之抑而不聞何哉昔桑葛事敗

世祖皇帝切責臺臣不先事言今若復爾將恐它日無以辭責矣未幾尚書省奏除御史大夫

中丞侍御史公喟然曰是尚可爲哉稱疾不出猶疏時政之敝上之幾萬言於是妨政者深銜之奏改翰林待制不數日誣以罪黜且諭臺院永不錄用猶未慊也復欲中以它事人皆爲公憂密告之故趣使辟之公乃詭服亡去數十日朝士大夫過其門不敢正視尚書省罷公乃還

仁宗皇帝御極首拜中書右司都事一時發號施令更革庶務公預圖回知無不言言復無所顧忌人亮其誠所言皆見之行擢翰林直學士

尋奏代秘書少監貢舉初立轉禮部侍郎明年進士集京師或謂試之嚴可得真材公曰場屋廢且百年一旦忍之得士必不廣恐沮後來竟議如公策而不第者皆賜秩有差改陝西行臺治書侍御史省臣重其去留再任延祐四年拜右司郎中未幾陞禮部尚書先是擬一某官爲尚書

上不懌曰春官大宗伯須用讀書人數日奏公上曰斯其人矣詹事院奏擬太子諭德上不允偕叅議贈左丞元文敏公明善知延祐

五年貢舉

英宗初年拜參議中書省事時右丞相以疾不赴中書事皆決於左丞相東平忠憲王拜住公竭誠匡贊言無隱情臨事處之泰然猜疑不卹也嘗都堂會食因言與人交食其食至于再三它日其人有託於我猶必竭蹶應況 國家以高爵厚祿盛饌待吾輩其所報效當何如哉且歷舉某人可用某人不可用某事可行某事不可行丞相深以爲然明年正月留守臣奏請元夜構燈山大內如

武皇時命下公蹙然曰聖上初政宜輔以節儉柰何示天下以侈歸閑閣草疏以聞大略以謂世祖臨御三十餘年每值元夕閭閻之間燈火亦禁况闕庭之嚴宮掖之邃尤當戒慎今燈山之構臣以爲所翫者小所繫者大所樂者淺所患者深伏願以崇儉慮遠爲法以喜奢樂近爲戒

上覽其奏大喜趣罷燈山輟少府錢五千貫賜之丞相曰彼位亞執政職所當言重賞恐未必受不若賜上幣使衣之以旌忠直

上可其奏中外翕然咸謂諫諍路闢由公啓之
時右丞年且八十公堅請還養右丞疾公侍湯
藥不去左右以吏部尚書召辭右丞以天年終
執喪哀毀葬祭一遵古禮結廬墓次明年再以
吏部尚書起公復力辭服闋以中奉大夫太子
詹事丞兼經筵官召行次通州以疾還即瑩所別
墅構遂閑堂名所居曰雲莊所居境亦清曠溪
山暎帶林木蔭翳吐華不注山鵲山若對立拱
揖即前阜爲亭曰綽然面南山俯清流鑿池其
中名雲錦雜植荷芰菰蒲奇石竹樹垂柳爲灣
碕釣臺亭之左爲處士菴後雪香園公嘗衣長
衫幅巾簷帽曳杖行吟逍遙自得舞鶴馴鹿導
從後先人望之如神仙客至觴詠終日或清談
亶亶忘倦安於隱逸若將終身者不知前日之
顯達也除江北淮東道肅政廉訪使不起兩以
翰林學士召辭益堅

文宗皇帝入纘大統改西臺中丞仍資善大夫
命下公幡然曰吾退處丘園七辭聘召聞西土
民饑殍流亡忍不起而拯拯哉乃治衰就道抵
新安硤石遇流民頓踣相屬爲解行橐周其老

疾者不告以姓，駐車臨壑，道殣見食，草根木皮者，親取嘗之。有棄兒，收載車中，畀善類養之。過華嶽祠，作文禱雨，自讀其文。至民飢而死等語，涕泗被面。從者觀者，皆爲沾襟。時久不雨，忽陰晦，變赤色，下射民盡。駭夜乃大雨，雨二日。四月二日至西臺，既眎事，同僚張樂宴公公，卻之曰：「此豈爲樂時耶？」即禱雨社稷壇。太一靈湫，雨復霽，沛滿三尺，禾黍皆自生。秦人謂之相公雨。然亂略甫定，帑廩耗竭，民饑而疫，哀號告乏。有司罔知，收濟貨易，弗通斗米，賈十三千鈔，或昏漫

難者，弗售。民持昏鈔至行用庫，累日不得易。典守者結豪吏，易十得五。民用大困。公責所司監商，難米民得以昏鈔。雜復出庫，本易之。又刻印帖爲五貫十貫二等，給窮人。俾轉鬻于易昏鈔者，偕昏鈔持以易庫，驗印帖之數，即如數易之。以革典守結構之敝，而窮人得錢自養。又覈庫儲未燬之鈔，其文可驗而施之用者，廿一萬七千五百。定有奇刻朱印志其背，賑乏絕家八十。緡命庫司他日眎志，即易於。是戶得鈔而食得續，人賴公更生焉。累疏於朝，請大發錢粟及下

輸米授爵之令既得請分命御史馳驛賫檄走
各道勸民輸粟價之陝西命醫囊藥分療病者
又即僧寺煮粥以食餒乏道途棄稚責諸富人
里長月給其食穿大窳聚瘞餒疫死者自爲文
臨祭而野無暴齒專御史分察抹荒官吏或弛
慢者撻於市有大官梗其事抗章擊去民有殺
子以供母公聞之大慟輟已錢百緡與之謂行
省臣曰吾輩在職忍見此乎而省臣亦各與錢
如公之數公又出錢千五百緡及斥臺所有金
銀器皿贓罰諸錢四千一百餘定以佐賑濟自

始至即寢處臺中旦起理荒矻矻無頃刻暇夜
則露香拜禱泯不言笑時復泣下由是致疾迄
至薨逝年甫六十先是奉元鼓樓梁棟自壞而
濟南家庭一夕有光如星自天而下家人莫知
其何祥也逮訃至寔公卒之日既而公之喪至
九月二日孤子引塋公先塋從昭穆也夫人郭
氏前公二年卒至是合祔焉公既薨

朝廷如所請出鈔百萬餘定暨授爵之錢米商
販之米大集歲熟而病者蘇民茁然有生意而
公不及見矣西臺咨詢輿論鐫石紀德列之通

衢侍御史郭公思貞之文也公正大剛方磊落
有大節蚤有能詩聲每一詩出人傳誦之好學
不倦自幼至老未嘗一日廢書祁寒暑兩不輟
也詩文渾厚雅正氣盛而辭達善周折能道人
所欲言其家居四方求銘文序記者踵至贊獻
一不受也讀書務施實用于時恒以古人自期
深居簡出不屑細務所與往還皆名公鉅卿泊
於世味不汲汲於進故掾禮曹者五年掾東曹
日不挾藝術能若不事事者而其中凜然不可
干以私及爲政以力行所學自任勇於爲義疾
惡如讐言不剗刮根蘖不止也在官三十年心未
嘗不林壑其自號曰齊東野人別號順菴晚號
雲莊老人可見其素志已一日思親即棄官以
歸與人語及閒適之樂喜色津津見於顏間好
引接後學稱其善如已出晚生後進經公指授
者作文皆有法云平日節儉自處人或病其恹
至于周窮恤匱復無所靳惜比西行出家所有
散施鄉里之窮者其家舊所儲蓄皆以推其兄
子迄終身言未嘗及其善士數喪不能舉捐貲
五千緡助其葬初閔子書院起鄉賢祠與鈔百

他所施予多類此其著述有經筵餘
古廟堂忠告風憲忠告衛聖編其曰
四十卷嘗置義田衣食鄉族之貧者
已矣公兄二人長英次塞皆先卒二
子長強蚤有名年廿二卒清河郡夫人郭氏出
也次引銘曰

天降碩材世蓋可數生豈徒然與休明伍公生
盛時閒氣萃精渾厚恢宏巍然天成蚤悅古學
忘情祿仕休休其心時時行止暫試所長已據

張文忠公文集目錄

第一卷

賦

鸚鵡賦 并序

白雲樓賦

萱草花賦

第二卷

擬雅

包茅

惜陰

宰木

風林

維日之良

有鳥歸止

彼落者花

有田

濯足于溪

奚木無本

相彼浙川

倚若



有石可友

悼亡

壽子

第三卷

古詩

古意十首

過長白山謁范文正公讀書堂

寓興和

得子強也書詩以荅之

三月二十五日雨

二十七日

卷三類書目録

二

登閔中閣

北三十里爲大內

夜雨寄呂叔泰

二月二日雨寄杜希聖

禮部新鑿蓮池成

乘傳過家同馬克脩總管宴金線池

擬四季歸田樂

直省

登司天臺

夏日姜氏園林避暑

飲崔氏別墅

登會波樓

大明湖泛舟

趵突泉

第四卷

古詩 五言

制中辭吏部尚書

遂閑堂落成

田舍早春

記綽然亭前花木

郊行

新構草菴

書綽然亭壁

郊居許敬臣廉使見過

有示

飲田家醉歸

夏日池上

村居重九對菊

田居

春日雲錦池即事

過龍門

和元亨之僉事登歷下亭韻

長安孝子賈海詩

第五卷

古詩 七言

毛良卿送牡丹

題周氏池亭

待鳳石

石鼓詩

遊香山

贈劉仲憲

同潘獻臣元復初張子昭高麗寺賞白

蓮

萬年松

過長春宮

秀碧石

天屏歌

西巖醉筆

飲歡堂

題李太白登泰山觀日出圖

謝益都宣靖王賜酒

詠亭中杏花

書大唐中興頌後

第六卷

律詩 五言

我愛雲莊好 九首

自訟

公退書四知堂壁

上都道中

御河舟中

久雨初霽書所寓壁

休日郊行

自堂邑移政博平權縣事

送宋故文丞相孫章甫上西省都事

送姚學士

庶園會飲

兩後行縣

庶園秋日即事

立秋後五日夜坐有感

過友人村居

辭叅議還家

探春

寒食客舍

齋居春暮

游華鵲村別墅

題任主簿棄官侍親詩卷

湖亭小酌

惜鶴十首

飲城南劉左丞別墅

山行

憫農

鑿池

晚齋

村居春晚

晨起

池上

半仙亭獨坐

乙丑山中拜詔

磐石

客中寒食

觀菊

半山亭秋暮

遂閑堂獨坐

冬夜早起

晨起用諭立之韻就贈

早起

第七卷

律詩七言

登泰山

過舜祠

和田師孟春夕韻

驛途小憇書田家壁

直省

初拜堂邑縣尹

堂邑遠心亭飲歸

登憫忠閣

飲平則門外崔氏別墅

游香山

元日朝賀

挽劉慶吉先生

過中都

同元復初飲許仲文別墅

過顏魯公廟

題康信夫宅湖石

上都察院

送范德機赴海北道憲司知事

秋日梨花

九日

大雨

寒食游廉園

留別元復初

中都道中

客中除夕

早春郊外

春日水邊

城樓晚眺

秋夜枕上

寄歷下諸君

過東方朔廟

直省

題廉野雲城南別墅

留別鄉里諸友

承宣堂早衙

興和道中

齋居春暮

中都雷家站枕上

送趙道士出祠南岳

雪後過張秋泉盆花盛開索詩爲賦

郊原清曉

京師除夕

李漑之還山隱居

雲外雜錄

九

過沛縣高祖廟

登徐州項王戲馬臺

過錢唐

游西湖

游靈隱寺

建寧道中

興化道中

福州

泉州

寄李道復平章

過髮冠仙姑隱所

貢院試筆

詔五十以上未第者賜出身有差
直省

辭叅議還家

挽元復初

黃州道中

登會波樓

游華不注

同鄉友宴會波樓

第八卷

律詩七言

登歷下亭

飲城東劉氏園亭

秋夜露坐觀月

哭張澹菴平章

酌突泉

秋郊晚眺

翠陰亭獨坐寄莫俊德經歷

寄省叅議王繼學諸友自和十首

山中拜除自和十首

雲莊遣興自和十首

田居自和十首

同諭仁本登標山

第九卷

律詩 七言

讀史有感自和十首

觀物亭落成

觀物亭漫興

大暑

雲莊類稿目錄

十一

和魯子翬學士見寄詩韻十首

秋日村居

木榻

書半山亭壁自和十首

翠陰亭落成自和十首

遂閑堂獨坐自和十首

野興

第十卷

絕句 五言

詠荷花

遂閑堂一

綽然亭即事

郊飲醉歸

過杭州伯顏丞相廟

絕句七言

觀舍元殿故址

龍門

堂邑宣化堂退食

行水災郊外

送客郊外

大明湖泛舟

題張古齋書壁

南口道中

綽然亭十首

村居

拜東平王拜住丞相畫像

夜坐綽然亭

翠陰亭漫興十首

題李旣之池亭並頭白蓮

山中

題李廣犯夜圖

題林泉閑居圖

題田婦紡績圖

題洛中諸公真率會圖

為孔明解嘲

綽然亭口號

過李漑之天心亭

詠史

第十一卷

書

時政書

第十二卷

序

牧菴姚文公文集序

送田信卿上和林宣慰司都事序

送柳唐佐序

送郭幹卿序

送蔣府判為道士序

送李漑之序

孝子王善甫詩序

送王克誠序

送元復初序

第十三卷

序

送堂邑忽哥赤宣差序

送諭仁本序

葛推官平反詩序

和陶詩序

序菊

衛聖編序

雲莊類藁目錄

十四

歸田類藁自序

送蔡天祥之般陽路儒學正序

第十四卷

記

李平章還山亭記

堂邑縣警言宵樓記

甘肅行省荆建來遠樓記

奉元路魯齋書院三先生祠堂記

勅賜成都紫巖書院記

安西府咸寧縣荆建霸橋記

長山縣廟學碑陰記

第十五卷

記

范德機寓田記

費縣重脩孔子廟記

沂州三皇廟記

濟南路改建三皇廟記

棣州重脩夫子廟記

濟南安氏家傳朝服記

翠陰亭記

長山縣志卷之十五

一三五

重脩會波樓記

第十六卷

記

復龍祥觀施田記

靜齋記

雲莊記

處士菴記

游龍洞山記

游紫金山記

游標山記

第十七卷

碑銘

歸信縣尹史君去思碑

朝散大夫同知山東東路都轉運鹽使

司事關關行司惠政碑有序

勅賜極真萬壽宮碑

大都河間等路都轉運鹽使咬咬惠政碑

贈中順大夫河中府知府上騎都尉穎

川郡伯陳公神道碑銘有序

先塋碑銘

第十八卷

碑銘

析津陳氏先塋碑銘有序

晉寧張氏先塋碑銘有序

資德大夫中書右丞議樞密院事陳公

神道碑銘

第十九卷

碑銘

濟南陽丘許氏先塋碑銘有序

章丘楊氏先塋碑銘

山東都轉運鹽使劉公神道碑銘有序

濟南歷城縣侯氏先塋碑銘

真定栢鄉董氏先塋碑銘

濟南姚氏先德碑銘有序

第二十卷

碑銘

故翰林學士資善大夫知制誥同脩

國史贈某官謚文敏元公神道碑銘

有莘王氏先德碑銘有序

濟南劉氏先塋碑銘

雲非類集目錄

十七

第二十一卷

表銘

處士袁君墓表銘

碣銘

陽丘張氏先塋碣銘

孫府君墓碣銘

壙銘

子鴈奴壙銘

堂銘

致樂堂銘

第二十二卷

誌銘

故甄城縣尹張君墓誌銘 有序

濮州儒學正王友開幕誌銘

故中議大夫平江海道都運萬戶趙公

墓誌銘

大都路學錄劉生墓誌銘

元故國子博士潘君墓誌銘

江浙等處儒學提舉柯君墓誌銘

第二十三卷

表

辭聘侍親表

傳

驛卒佟鎖住傳

節婦柳氏傳

書

上董中丞書

疏

諫燈山疏

西臺上王者無私疏

露布

擬唐河東節度使李克用破黃巢露布

操

哀流民操

第二十四卷

文

堂邑祈雨文

謝雨文

祭姚牧菴先生文

綽然亭上梁文

西華嶽廟祈雨文

西華嶽廟催雨文

為民病疫告斗文

祭李宣使文

詞

唐承旨哀詞

吳道源哀詞

贊

潘仲德畫像贊

寫真自贊

第二十五卷

經進牧民忠告

拜命第一

上任第二

聽訟第三

遇下第四

宣化第五

慎獄第六

救荒第七

事長第八

受代第九

居閑第十

第二十六卷

經進風憲忠告

自律第一

示教第二

詢訪第三

按行第四

審錄第五

薦舉第六

糾彈第七

奏對第八

臨難第九

全節第十

第二十七卷

經 進廟堂忠告

脩身第一

用賢第二

重民第三

遠慮第四

調燮第五

任怨第六

分謗第七

應變第八

獻納第九

退休第十

第二十八卷

經 進經筵餘旨

君德篇第一

君道篇第二

君體篇第三

君威篇第四

君治篇第五

附錄

畫像

畫像記

畫像贊

神道碑銘

祠堂碑銘

張文忠公文集目錄終

張文忠公文集卷第一

賦

鸚鵡賦并序

亳州人來云張庭美賦鸚鵡者三切惟
禰衡之後一猶難繼矧其三乎近乃得
其文讀之其屬辭比事模寫形態殆無
餘蘊麗則麗矣然未及擴而充之以裨
世教以厚民風以規多口故余復爲賦
此用竟其義云

維羽族之三百爲號異而靡同最其口之甚者

虞非類卷一

二

舉推此爲長雄韻笙簧于寸舌文錦縠于眇躬
形雖儕夫禽鳥寔兼人之慧聰緩呼之而輒應
佯叱之而歛蹤聞市曹之衆咻曹無一而不通
時擬聲以切效每驚稚而駭翁原夫天之生物
羗一氣之所鍾惟人焉爲至靈故親孝而主忠
嗟他類之蠢然由秉受之失中或本下而末上
或足橫而首縱或語焉而弗答或挽焉而莫從
胡於茲而獨異以能言而策功非前身爲秦儀
定隋陸之兩公世繇是而珍畜遂餌致于金籠
欲求出而無計徒幽恨之塞膺尚不悟其階禍



猶言巧而語工嘗聞善游者必溺乎水善射者必傷乎弓善飲者必中其毒善辯者必受其殃於戲吾始以汝爲人之亞今乃知其至癡且拙而蒙也夫謹爾出話詩人所以美武公也仁而不佞聖門所以贊冉雍也駟不及舌子成所以見惜於子貢也惟口起羞傳說之所以諫高宗也至於語云欲訥書載興戎禮垂難悔易著乃窮漢史有嗇夫上林之鑑周廟有佞人緘口之銅佛至慈而好生亦設犁舌之獄於玄壤天至高而莫犯猶有翕箕之星於太空凡此者皆所

以明慎默之爲多福而禦人捷給之爲極凶也且白圭有玷可磨可礪斯言一失辱盈四封故傷人則過於戈矛之刃害已則足爲禍患之宮自古坐視敗亡者何可枚舉而汝曾不聞之又何聾哉韓非自斃於說難蔡澤竟挫於談鋒知伯氏以才佞而家無炊火國武子以亢直而身不見容侯生以沐猴而怒項羽王墮以鷄犬而忤董龍張敞以私語而誅絮舜曹操以毀謗而戮孔融伯宗見讓於家室賀敷貽戒於兒童其他若太史司馬中郎蔡雍禰衡許攸嵇康韓博

之徒於事無益咸禍之逢汝苟恣而不戒旦莫
必將復見噬於武氏蒙貴之蟲也於是隴禽聞
之若戚焉而不爲懼者良以余亦歸而假寐
有客見於朦朧綠兮其衣金焉其瞳趾玉而
吻鈎而紅且躍且舞求前以告僕曰吾非不知
樞機之不密無以善始而令終然造物者賦我
以如是之性胡能廢而弗庸感子言之我厚荷
子惠之我隆君其反而自律吾何預於民風於
是余乃蹶然而興遽然而悟悄四顧其無人而
耳根猶彷彿餘韻之離離

白雲樓賦

用滕先生泰山韻
時年十九

吁其高哉茲樓之有如此兮括萬象於宏敞飛
四阿於鴻冥初疑陽侯海底鞭出一老蜃噴雲
噴霧扶輿五色凝結而成形又疑大鵬九萬失
羊角踞茲勝境而不去兮翼截華鵠之煙雨昔
摩霄漢之日星我來宣鬱一登眺兮衆山故爲
出奇秀恍然身世遊仙庭憑欄俯視魄四散耳
根但聞風鐵音令令上有浮雲容與卧蒼狗下
有驚湍澎湃奔流霆憶昔我公分符握節尹東
土聲名遐邇流芳馨脯鱗膾鳳群賢方此日高

宴不意有奸闖境闔城萬室無一寧公乘疾傳
出聞上亂臣必討存諸經雄兵一夕自天至
縱餘渠帥獨典刑九重賜券且與盟帶礪寵光
浮動堂與庭惜余才踈生晚後機會不及奮筆
爲擬燕然銘雄心霸氣龍韜虎畧見無復空聞
燕雀鳴幽扃當時風景今盡易惟有風光山色
無年齡朱簾香歇桂花老金鋪色暗苔痕青長
歌慷慨弔陳迹風動彷彿來英靈忽然暮色自
遠而至兮斷霞斜照互明滅詩成欲掃雲間屏
貪徵興廢玩餘景須臾不覺一輪古月升東溟

萱草花賦

雲莊類稿卷一

四

自予客燕六易寒暑篳門圭竇廣袤尺許外之
墻以蔽惡但缺藩之撐拄家僮陋其荒涼分寸
春於別圃曾培護之幾何忽柔金之微吐初疑
列仙風乎欲舞有黃其冠有藍其縷又驚棲鳳
色斯不舉首昂朝陽翎澣踈雨予不知其何名
乃大索于花譜已而童子謂予曰子獨未聞伯
兮之詩乎所謂焉得萱草言樹之背釋者以爲
植之令人忘憂者其謂斯歟予曰有是哉切有
數憂若負未償試陳其畧花請與忘子卅歲學

道植志惟篤晨繹夕研潛心理窟川納山截洪
纖畢蓄庶幾斯文載彰載昱厥志未究事物交
枯曰道冀文日瘠歲縮壯心灰如焔焔無復不
虞雲翔迄成淵覆一念及之可爲痛哭此予爲
學不足之憂也迨夫年越二袞迫於親養捧檄
如燕昧于背向庶三釜之見酬乃縻身於利鞅
賞不足以酬勞得不足以補喪眊白雲於大行
愧子職之久曠纍然無異亡家之大茫乎其若
失雲之鴈此予奉親無狀之憂也厥今南沾北
洽西寧東謐

聖元宅中統萬千一賢登佞黜賞信罰必乃於
是時患得患失既不能表三代之典謨疏一時
之緩急又不能訂群書之異同作萬年之矜式
空一身於乾坤無寸功於家國以釐婦之至愚
尚懷憂而忘織矧廁名於仕籍可玩歲而愒日
此予更不稱職之憂也至其登高望遠山顛水
滸西日其沉煙渺平楚仰以觀乾元坤元之無
垠俯以察民物錯綜之交處前稽往古聖賢之
事業後意未來歲月之艱苦惟人之身太倉一
黍苟無德以將之雖規規其何補欲脫屣於塵

凡懼赤松之或阻將鄉原以自固慮聖門之不
取問詹尹以無從於二者其誰與此予感今與
古之憂也凡是四憂酒不能澆詩不能釋巧曆
推之而缺籌良史書之而閣筆豈期寸草之無
知乃可豁吾之宵臆言未既童子蹙然曰子何
念之深而辭之戚也切嘗聞諸夫子以爲聖人
無憂今子言之若是豈前論之未析予怫然曰
聖人何嘗無憂耶昔庖犧闢宇列聖是承惟天
降水懷山襄陵九服旣奠庶績乃凝民飽而嬉
非法曷懲此堯之所以爲憂也舜旣受禪四罪

咸極萬邦胥蘇群辟惟則厥有瞽瞍頑嚚罔德
事而弗悅籲天爲泣此舜之所以憂也禹湯繼
立綏厥萬靈蠢茲有苗戮我典刑士醜厥德天
厭其腥大憝不殄孰民云寧此禹湯之所以爲
憂也降而至於周公孔子曰荀曰孟或憂人窮
或憂國政或憂道之多艱或憂時之失用雖所
趨之各殊要必歸於一正切嘗求夫聖人之處
心猶止水與明鏡因彼至而此形吾何有於喜
愠又如太虛之空明忽雲雷之奮迅及雲撤而
雷收固無礙夫湛淨故雖謂之無憂寔名正而

言順是以聖人以為悅者而常人不悅常人以為病者而聖人不病若夫富者之憂失財貴者之憂失位夸者之憂在名賤者之憂在勢若繫之於聖賢舉名教之大罪今予幸不憂彼而憂此而汝獨以為非是童子躩然惶愧無地欲質諸花花亦懷愧於是酌瓊露於椰觴拚玉山之醒醉而筆其言以投童子則庶幾猶賢於博奕也

張文忠公文集卷第一



張文忠公文集卷第一



